

اۆلکه نین فرش صادیراتی نین 40 درصدی شرقی آذربایجاندا ندر

شرقی آذربایجان بازرگانی سازمانی نین خارجی بازرگانی موعاوینی اۆلکه نین فرش صادیراتی نین یوزده قیرخی اوستاندان اولماغا ایشاره ائدیپ دئدی: اۆلکه نین فرش صادیراتی نین 40 درصدی شرقی آذربایجاندا ندر.

شرقی آذربایجان بازرگانی سازمانی نین خارجی بازرگانی موعاوینی اۆلکه نین فرش صادیراتی نین یوزده قیرخی اوستاندان اولماغا ایشاره ائدیپ دئدی: اۆلکه نین فرش صادیراتی نین 40 درصدی شرقی آذربایجاندا ندر. فارس خبرگوزاریسی نین شرقی آذربایجان بازرگانی سازمانی نین عومومی روابیطیندن نقل ائتدیگی گوزاریشه گۆره ، غلامعلی راستی تبریزده ال ایشلری صادیراتی کونسرسیومونون آموزشی کارگاهیندا دئدی: ایندی اوستاندا توخونان فرشلر و طرحلر لاب ارزیشلی و یاخشی ال فرشلری عونوانیندا دنیا بازارلاریندا چوخلو موشریلر اؤزونه جلب ائله ییب. بازرگانی سازمانی نین خارجی بازرگانی موعاوینی دئدی: شرقی آذربایجان تهراندا سونرا نفتدن سووای صادیراتی نین لاب یوخاری سهمینی اؤزونه ایختیصاص وئریب.

او ایدامه وئردی: اۆلکه نین نفتدن سووای صادیراتی نین 10 درصدی شرقی آذربایجانین سهمیدیر کی صادیراتی کونسرسیوملارین تشکیل و گئیشیلندیرمگی این بو سهمین آرتیرماسینا چالیشیرو. راستی بونو دئماغینان کی ال ایشلری نین تولید و صادیرات زمینه سینده مخصوصاً گۆندن تولید اولان ال ایشلرینده ده بو اوستان پیشرو اوستانلاردا ندر ایظهار ائله دی: اۆلکه نین بیرینجی خصوصی گۆن شهرکی ده 300 عضون شرقی آذربایجاندا دوزلیب که اۆلکه نین گۆن صادیراتی نین یوزده 90-نین اؤزونه ایختیصاص وئریب.

شرقی آذربایجان بازرگانی سازمانی نین خارجی بازرگانی موعاوینی بونو دئماغینان کی نفتدن سووای صادیراتا ال ایشلری صادیراتینا اهمیت وئرماق حقیقتده اوستانین و اۆلکه نین تمدّون و فرهنگین صادیراتیدیر، دئدی: ال ایشلرینده اولان فرهنگی غینا و بو تولیداتین دنیا بازارلاریندا حاضیر اولماسی، فرهنگی سفیر کیمی اولوب ایسلامی - ایرانی قیدمت و فرهنگی دنیا نیشان وئره ییلر. او اۆلکه نین فرش صادیراتی نین 40 درصدی نین اوستاندان اولماسینا ایشاره ائدیپ دئدی: ایندی اوستاندا توخونان فرشلر و طرحلر لاب ارزیشلی و یاخشی ال فرشلری عونوانیندا دنیا بازارلاریندا چوخلو موشریلر اؤزونه جلب ائله ییب و ایران فرشی و آذربایجان منطقه سی نین طرحلری لاب چوخ ساتیلان و طرفداري اولان ال فرشلریندن ساییلیرلار. راستی دئدی: ال ایشلری تولیدینده گرک بازار تاپما و موشری سلیقه لرینی تانیماغا جیدی توجّه اولونا، نیه کی دنیا بازارلاری نین نیاز و ایستکلری هر گون دگیشماقدادیر و بیز گرک اؤزوموزو بو دگیشماغینان یول بیر ائلییاق.

او داخیلی بازارلاردا ساتیلا بیلیمهین کالالاری، نفتدن سووای صادیراتی نین توسیعه سینه اۆلدوروجو سمّ کیمی بیلپب تأکید ائله دی: دنیا بازارلاریندا حاضیر اولماغین بیرینجی شرطی یاخشی و آز قیمتلی جینسلرین تولیدیدیر.

شرقی آذربایجان بازرگانی سازمانی نین خارجی بازرگانی موعاوینی اؤز دانیشیغی نین آیری قیسمتینده جونوبی کوره یه حاکیم اولان ایقتیصادی تفگورو، دونیانین بوتون جماعاتینا کئیفتی کالا تولید ائله ماغی بیر یاخشی تفگور بیلپب و آرتیردی: گرک خارجی بازارلاردا کی موشریلرین اعتیماد حیسلرینی اله گتیراق تا بین الملل بازارلاردا کالالارین دواملی و قالارگی اولمالارینی تضمین ائداق و بو، تولید ائلیه نلرین وظیفه سیدیر.